



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIII

BROJ: 213

DATUM: 19.02.2016.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska
pitanja
fax: + 387 33 552 810
dzenita@sogfbih.ba

Sadržaj biltena:

Održana jedanaesta sjednica
Predsjedništva Skupštine Saveza
općina i gradova Federacije Bosne i
Hercegovine

Održana sjednica Komisije za us-
tavna i zakonodavna pitanja

Održana radionica Program ur-
banog partnerstva – jačanje JLS u
južnoistočnoj Evropi

Savjetovanje na temu:
"Uspostavljanje registra taksi i
nagrada na teritoriji BiH"

Općine Stari Grad Sarajevo i Olovo
potpisale sporazum o prijateljstvu

Odžak će izgradnjom koridora 5c
predstavljati vrata BiH uz ulaz tur-
ista

Žepče pravi web platformu za kon-
takt sa dijasporom

REDAH pomaže Općini Jablanica u
program BHF certificiranja

Tešanj: nova investicija firme Mladi u
vrijednosti oko 4 miliona KM

Bilten Saveza općina i gradova Federacije Bosne i Hercegovine

ODRŽANA JEDANAESTA SJEDNICA PREDSEDNIŠTVA SKUPŠTINE SAVEZA OPĆINA I GRADOVA FEDERACIJE BOSNE I HERCEGOVINE

U Općini Čitluk je dana 10.02.2016. godine održana Jedanaesta sjednica Predsjedništva Skupštine Saveza općina i gradova Federacije Bosne i Hercegovine na kojoj su razmatrana aktuelna pitanja u radu Saveza. Predsjedništvo Saveza je ovom prilikom usvojilo zapisnike sa sjednica Komisije za ustavna i zakonodavna pitanja, Komisije za ekonomski razvoj općina i gradova i finansije i Komisije za međunarodne veze, saradnju i evropske integracije. Istaknuto je da Savez treba insistirati na uključivanju svog predstavnika u radnu grupu za izradu novog Zakona o pripadnosti javnih prihoda u Federaciji Bosne i Hercegovine kao i da predstavnici Saveza nisu zadovoljni procentom koji pripada jedinicama lokalne samouprave po osnovu raspodjele javnih prihoda. Također je zaključeno da bi novi Zakon o pripadnosti javnih prihoda u Federaciji Bosne i Hercegovine trebao jednako tretirati ekonomske i socijalne kriterije, te uvažiti različitosti jedinica lokalne samouprave. U pogledu novousvojenih izmjena i dopuna Zakona o državnoj službi u Federaciji Bosne i Hercegovine, Predsjedništvo Saveza je usvojilo zaključak da se uputi dopis svim skupštinama kantona u Federaciji Bosne i Hercegovine kojim će se tražiti da se, prilikom usvajanja kantonalnih zakona o državnoj službi, naglasi da se od njihove primjene izuzima lokalni nivo vlasti, te da se radno-pravni status zaposlenika na lokalnom nivou uredi na jedinstven način. Predsjedništvo je upoznato i sa informacijom o održanom sastanku predstavnika Gradske uprave Grada Sarajeva i Saveza općina i gradova Federacije BiH, te o pozivu za održavanje zajedničkog sastanka predstavnika Saveza sa Odborom za pravdu, opću upravu i lokalnu samoupravu Doma naroda Parlamentarne Federacije Bosne i Hercegovine. Na sjednici je imenovan predstavnik Saveza u Arbitražno tijelo za arbitražu Budžeta općina Usora i Drvar, a također su prihvaćene inicijative i preporuke za provođenje Akcionog plana za djecu Bosne i Hercegovine 2015.-2018. godine kao i preporuke za suzbijanje vršnjačkog nasilja i nasilja nad djecom koje je usvojilo Vijeće za djecu Bosne i Hercegovine.

Predsjedništvo je podržalo prijedlog za saradnju Saveza na Projektu „Gradovi/općine i biznis“ (Općine i gradovi kao poslovni centri konkurentne privrede) koji je inicijalno predložen od strane „Poslovnih novina“ s tim što će se u narednom periodu dogovoriti modaliteti i detalji zajedničke saradnje.



ODRŽANA SJEDNICA KOMISIJE ZA USTAVNA I ZAKONODAVNA PITANJA

U Sarajevu je, 9. februara u prostorijama Saveza općina i gradova FBiH održana sjednica Komisije za ustavna i zakonodavna pitanja. Sjednici su ispred općina i gradova prisustvovali: Vildana Smajović, Čedomir Jelić, Aida Daul, Rizama Tukulj, Predrag Šupljeglav, Enver Adžem i Josip Vidović, Zlata Ibrahimpašić, Mediha Nuhbegović i Mirnes Dedukić, dok su ispred Saveza bile prisutne Selma Fišek i Zlata Turkić. Komisija podržava Inicijativu Gradskog vijeća Tuzla, koju je Komisiji iznijela Mediha Nuhbegović.

Gledajte Savez općina i gradova
Federacije Bosne i Hercegovine na



Ona je istakla da je Gradsko vijeće Tuzla Inicijativu pokrenula prema Vladi i Skupštini Tuzlanskog kantona za izmjenu člana 11. Zakona o pravobraniteljstvu Tuzlanskog kantona na način da se daju veće ovlasti pravobraniteljima kod sklapanja sudskih i vansudskih nagodbi u situacijama kada je evidentan gubitak spora, kako bi se smanjili troškovi na ime kamata i troškova vođenja sudskih postupaka.

Komisija je podržala Inicijativu Općine Tešanj, koja se odnosi na stupanje na snagu Općeg zakona o zadrugama, gdje je na području Općine Tešanj došlo do situacije u

kojoj vlasnici zemljoradničke zadruge postaju korisnici velike površine poljoprivrednog zemljišta čija vrijednost prelazi milionski iznos. To im omogućava nedorečenost Općeg zakona o zadrugama u kojem su članovi 88. i 94. u suprotnosti i, u praksi, se proizvoljno tumače. Sugestija Komisije je da se isti doradi i razradi u pravcu konkretnih rješenja odredbi Zakona sa tačnim navodima koje članove treba mijenjati i na koji način.

U raspravi je razmatrana aktuelna situacija nakon donošenja Prijedlog zakona o izmjenama i dopunama Zakona o državnoj službi u FBiH. Konstatovano je da odredbe ovog prijedloga Zakona nisu primjerene i primjenjive na lokalni nivo, te da bi primjena istih štetila učinkovitosti i ekonomičnosti rada jedinica lokalne samouprave. S tim u vezi donesen je zaključak:

- Nacrt zakona o zaposlenicima u organima jedinica lokalne samouprave u FBiH ostavlja dovoljno prostora da se ne ugrozi funkcionisanje jedinica lokalne samouprave;
- predviđa mogućnost da načelnici/gradonačelnici, u skladu sa odredbama, horizontalnom i vertikalnom preraspodjelom iz reda uposlenika mogu urediti rad jedinica lokalne samouprave na način koji smatraju najoptimalnijim, te da isti neće biti u suprotnosti sa Zakonom o organizaciji organa uprave u FBiH, što je slučaj sa Prijedlogom zakona o izmjenama i dopunama Zakona o državnoj službi u FBiH.

ODRŽANA RADIONICA “PROGRAM URBANOG PARTNERSTVA- JAČANJE JLS U JUGOISTOČNOJ EVROPI”

U Sarajevu je 9. februara održana radionica na temu “Program urbanog partnerstva – Jačanje jedinica lokalne samouprave u jugoistočnoj Evropi”.

Program urbanog partnerstva je otpočeo sa radom u februaru 2015. godine, a cilj programa je jačanje kapaciteta jedinica lokalne samouprave u jugoistočnoj Evropi i pružanja praktičnih alatki lokalnim izabranicima i službenicima za efikasno upravljanje urbanim razvojem u svrhu inkluzivnog i održivog rasta. Program urbanog partnerstva (UPP II) ima za cilj jačanje kapaciteta lokalnih uprava i nudi participatorne pristupe i



alatke u tri programske komponente: (1) Samoprocjena finansija lokalnih uprava, (2) Društvena odgovornost i (3) Inicijativa za izgradnju integriteta. Ovakav pristup omogućava unapređenje dobrog javnog upravljanja uključujući poboljšanje odgovornosti, transparentnosti, efikasnosti i povjerenje građana/ki, poslovnih subjekata i investitora. Obzirom da se implementira u Albaniji, Bosni i Hercegovini, Hrvatskoj, Kosovu, Makedoniji, Crnoj Gori i Srbiji UPP II nudi mogućnosti za regionalno umrežavanje i razmjenu iskustva između lokalnih uprava koje učestvuju u programu. Na radionici su prezentovani sadržaji sve tri programske komponente, praktične alatke i pristupe. Općine učesnice su bile informisane kako da apliciraju za učešće u programu.

Komisija je podržala inicijativu Gradskog vijeća Tuzle za izmjenu člana 11.

Zakona o pravobraniteljstvu Tuzlanskog kantona na način da se daju veće ovlasti pravobraniteljima kod sklapanja sudskih i vansudskih nagodbi u situacijama kada je evidentan gubitak spora, kako bi se smanjili troškovi na ime kamata i troškova vođenja sudskih postupaka.



Collective Engagement for Results in South-East Europe

SAVJETOVANJE NA TEMU "USPOSTAVLJANJE REGISTRA TAKSI I NAKNADA NA
TERITORIJU FBiH"

Tokom februara/veljače 2016. godine Savez općina i gradova Federacije Bosne i Hercegovine organizira savjetovanja na temu „Uspostavljanje Registra taksi i naknada na teritoriji FBiH“. Savjetovanje se organizira u saradnji sa USAID-ovim Projektom reforme fiskalnog sektora (FAR projekat) kojeg implementira Finit Consultin d.o.o i Federalnim ministarstvom financija/finansija. Aktivnost se provodi u skladu sa Memorandumom o razumijevanju potpisanog 28. jula/srpnja 2015. godine, između Vlade Federacije BiH i USAID Misije u BiH.



Savjetovanje će držati predstavnici FAR projekta i Federalnog ministarstva financija/finansija. U okviru savjetovanja biće prezentirana važnost uspostave jedinstvenog Registra taksi i naknada, kao i praktična obuka o pravilnom popunjavanju Upitnika potrebnog za ovu aktivnost. Savjetovanja su bila organizirana u Fojnici (3.02.2016.) i Bihaću (16.02.2016), dok će još biti organizirana u Mostaru (26.02.2016.), Tuzli i Travniku. Fokus grupa Savjetovanja su pomoćnici načelnika/gradonačelnika za finansije/financije.

KORISNI LINKOVI ZA
PREDPRISTUPNE FONDove EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.facso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

OPĆINE STARI GRAD SARAJEVO I OLOVO POTPISALE SPORAZUM O
PRIJATELJSTVU

Potpisivanjem Sporazuma o prijateljstvu i saradnji općina Stari Grad Sarajevo i Olovo, 12. februara/veljače u Sarajevu, ove dvije lokalne zajednice obavezale su se da ubuduće trajno uspostavljaju različite oblike saradnje i realizuju projekte od zajedničkog interesa u oblastima privrede, kulture, obrazovanja, turizma, sporta, zaštite prirodnog i kulturnog naslijeđa, saopćeno je iz Općine Stari Grad Sarajevo. Poseban akcenat je na projektima iz oblasti turizma, s obzirom da

obje općine raspolažu zavidnim turističkim potencijalima. Ideja o bratimljenju općina nastala je prošle godine, nakon čega je provedena neophodna procedura, te usvojeni sporazumi od općinskih vijeća Olova i Starog Grada.

"Mislim da bi i ostale lokalne zajednice trebale slijediti naš primjer i pokazati da općine nisu 'zatvorene' nego se povezivati, bez obzira na to gdje se nalaze. Trebamo sarađivati na kulturnom, ekonomskom, socijalnom planu", kazao je načelnik Ibrahim Hadžibajrić, dodajući da je ovakav sporazum Stari Grad ranijih godina potpisao i sa Općinom Bosanska Krupa. Podsjetio je da je za Općinu ovo jubilarno, dvadeseto sklapanje prijateljstva, te da će veoma brzo biti potpisan još jedan sporazum o saradnji sa istanbulskom Općinom Fatih.

U ime načelnika Općine Olovo, Đemala Memagića, Sporazum o prijateljstvu i saradnji potpisala je pomoćnica načelnika u Službi za ekonomske poslove Merisa Kaljanac.

Prenijevši pozdrave načelnika i riječi izvinjenja zbog neodložnih obaveza, Kaljanac se zahvalila općinskom načelniku i Vijeću na prihvatanju pisma namjere za bratimljenje sa ovom općinom.

Grbovi općina Olovo i Stari
Grad Sarajevo



"Ne možemo zaboraviti da nam je Općina Stari Grad pritekla u pomoć tokom poplava i zato nam je još više drago zbog ovog bratimljenja. Nadam se da ćemo nakon ovog potpisivanja definisati i konkretne projekte na kojima ćemo ubuduće sarađivati", kazala je Kaljanac. Sa njom se saglasio i predsjedavajući Općinskog vijeća Olovo Samir Zukić, kazavši da se nada da Sporazum neće ostati samo "mrtvo slovo na papiru" nego da će uroditi konkretnim projektima. Predloženo je da se saradnja ubuduće razvija u oblasti turizma, ekonomskih i socijalnih programa, te međusobne razmjene učenika osnovnih škola.

ODŽAK ĆE IZGRADNJOM KORIDORA 5C PREDSTAVLJATI VRATA BIH ZA ULAZ TURISTA



Načelnik Odžaka Hajrudin Hadžidedić je kazao kako je u toku izgradnja mosta, te da je u prošloj godini izgrađeno 11 kilometara koridora 5C i dio zaobilaznice.

"Sve ovo do sada što je izgrađeno posebno je važno za nas ako uzmemo u obzir vrijednost do sada realiziranog projekta. Prošle godine smo bili jedno od najvećih gradilišta u Bosni i Hercegovini, a 2014. godine smo bili općina koja je imala najbolji prekogranični projekat. Turska nam je

finansirala oborinsku kanalizaciju, Svjetska banka je obezbijedila određena sredstva za putnu infrastrukturu, a u ovoj godini imamo u planu i izgradnju vodovoda i navodnjavanja bitnih područja. Naša poljoprivreda nakon majskih poplava iz 2014. godine imala je velike probleme zbog suša gdje smo imali štetu od tri miliona KM, ali i to ćemo riješiti za naredni period", kazao je Hadžidedić.

Uprkos svim problemima koji su pogodili ovu općinu, Hadžidedić je istakao kako je njeno poslovanje u posljednje tri godine bez deficita i da su u toku veliki planovi za naredni period.

"Iako imamo velike planove, ne mogu da ne spomenem problem sa kojim se susrećemo kao mala sredina. U cijeloj Bosni i Hercegovini veliki broj mladih odlazi van granica, ali za Odžak je specifično da odlaze i oni koji imaju posao. Odžak je poznat po svojoj dijaspori, mi imamo dvije velike poslovne zone, ali naša dijaspora šuti. Radi se o velikom kapitalu, ali ljudi se teško odlučuju za investicije u Bosni i Hercegovini", kazao je Hadžidedić.

Nadležni su uradili sve što je bilo potrebno kako bi privukli domaće, ali i strane investitore u Odžak te se nadaju da će privreda u ovoj općini krenuti u drugom smjeru. Vjeruju da će se u narednom periodu otvoriti radna mjesta koji će u mladima probuditi želju za patriotizmom i angažmanom na domaćem tržištu bez volje da što prije napuste granice Bosne i Hercegovine.



Grb Općine Odžak

"Prošle godine smo bili jedno od najvećih gradilišta u Bosni i Hercegovini, a 2014. godine smo bili općina koja je imala najbolji prekogranični projekat".
Hajrudin Hadžidedić.

ŽEPČE PRAVI WEB PLATFORMU ZA KONTAKT SA DIJASPOROM

U Sali OV Žepče je 11.2.2016. godine održana press konferencija na kojoj je predstavljen projekt Partnerstvo s dijasporom za održiv razvoj općine Žepče koji je podržan od strane Ministarstva za ljudska prava i izbjeglice BiH (Sektor za iseljeništvo). Na press konferenciji su govorili općinski načelnik Mato Zovko i direktorica Razvojne agencije Žepče – RAŽ Branka Janko. Konferenciju su pratili brojni domaći mediji iz Federacije BiH. Kako je kazano od strane prezentatora, jedan od razloga za kreiranje projekta je potreba da se prikupe podaci o žepačkoj dijaspori, broju osoba, kao i zemljama u kojima se nalaze.



Grb Općine Žepče

„Mi ćemo im omogućiti da svoj kapital ulože u općinu Žepče i da se vrate sa svojim obiteljima kada god to požele. Nama je od velikog značaja svaka njihova nova ideja i znanje koje budu željeli s nama da podijele jer jedino na taj način možemo ići putem napretka“.

Namjera Općine Žepče jeste da mapira gdje žive Žepčaci u svijetu, da ih poveže u partnerstvo s zavičajem i da zajedno s dijasporom radi na razvoju Općine. Žepčaka dijaspora je mala u ukupnom broju bh. iseljeničstva i ima je diljem svijeta, a najviše u Hrvatskoj, Njemačkoj, Austriji, i zemljama Skandinavije. Danas, većina pripadnika žepačke dijasporu su visokoobrazovani ljudi koji su ostvarili značajan uspjeh u zemljama u koje su imigrirali, a gaje interes za povratkom u zemlju podrijetla, naglasili su Zovko i Janko.

Važan rezultat projekta je i kreiranje web platforme putem koje će se ostvarivati interaktivni dijalog koji će omogućiti razmjenu znanja i vještine i omogućiti međusobno mentorstvo između kompanija iz dijasporu i Žepča. Putem web portala će se osigurati da poslodavci iz dijasporu ponude nova radna mjesta i pronađu adekvatnu radnu snagu među svojim sunarodnjacima kao i da nezaposlene osobe pronađu mentore među kompanijama u dijaspori. Prezentiran je interaktivni web portal koji je namijenjen za komunikaciju s žepačkom dijasporom sa dvije online baze, Baza dijasporu i Baza poslova.

„Mi ćemo im omogućiti da svoj kapital ulože u općinu Žepče i da se vrate sa svojim obiteljima kada god to požele. Nama je od velikog značaja svaka njihova nova ideja i znanje koje budu željeli s nama da podijele jer jedino na taj način možemo ići putem napretka“, zaključio je općinski načelnik Zovko.

Direktorica RAŽ-a Branka Janko predstavila je najavljeni događaj „Večer žepačke dijasporu“ koji će se održati 26. veljače ove godine i na kojem će se okupiti predstavnici javnog i privatnog sektora iz dijasporu i općine Žepče kako bi razmijenili svoja očekivanja od daljnje suradnje u području ekonomskog održivog razvoja općine Žepče. Planirana je prezentacija rezultata projekta i panel diskusija na temu: Kako zajedno doprinijeti održivom razvoju općine Žepče. Panelisti će biti eminentni stručnjaci iz različitih područja rada i djelovanja koji su najavili svoj dolazak u Žepče.

Na press konferenciji je predstavljen i BFC certifikat koji je Općina Žepče dobila za povoljno poslovno okruženje čime se svrstala u uži krug certificiranih općina i gradova u Jugoistočnoj Europi. Dobivanjem međunarodnog certifikata općina Žepče samo je potvrdila da je mnogo prije od drugih krenula putem EU te da na tom putu primjenjuje samo dobre prakse iz okruženja i kreira vlastite kojima je cilj ekonomski razvoj općine Žepče.

Žepče je treća općina u Federaciji Bosne i Hercegovine kojoj je ovaj certifikat dodijeljen, a načelnik očekuje da će on dodatno potaknuti suradnju s domaćim, ali i međunarodnim investitorima.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc-bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

REDAH POMAŽE OPĆINI JABLANICA U PROGRAMU BHF CERTIFICIRANJA



Općina Jablanica je ušla u proces certifikacije gradova i općina s povoljnim poslovnim okruženjem u jugoistočnoj Evropi (BFC SEE). Proces certifikacije traje godinu dana, a tehničku pomoć Općini Jablanica pružat će Regionalna agencija za razvoj - REDAH.

Međunarodno priznati standard (BFC SEE) je jedinstveni program za poboljšanje kvaliteta usluga i informacija koje lokalne samouprave u regionu jugoistočne Evrope pružaju privrednicima. Program daje jasne smjernice općinama i gradovima kako da kreiraju dobru poslovnu klimu i uvedu standarde efikasne i transparentne lokalne administracije. Takođe, investitorima koji žele da se dislociraju ili prošire svoje poslovanje u jugoistočnu Evropu, BFC SEE služi kao standardizovani mehanizam za procjenu lokalnih uslova za poslovanje i ukazuje na to koje općine u regionu imaju najpovoljniju klimu za investiranje.



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na



Pratite Savez općina
i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

TEŠANJ: NOVA INVESTICIJA FIRME MADI U VRIJEDNOSTI OKO 4 MILIONA KM



Dana 29.01.2016. godine je u prostorijama Općine Tešanj svečano potpisan Ugovor za izgradnju kompleksa farmi za eksploataciju roditeljskih jata/proizvodnju rasplodnih jaja na lokaciji Ljeskovac u Rosuljama. Ugovor su potpisali općinski načelnik Suad Huskić i direktor proizvodnje firme "Madi" Edin Jabandžić. Prema riječima načelnika općine Tešanj riječ je o lokalitetu koji je nekadašnje poljoprivredno zemljište koje je u

državnoj svojini. Na osnovu ukazane potrebe kompanija MADI se javila općini Tešanj sa poslovnim prijedlogom za otkup zemljišta. Potpisali smo Ugovor o kupoprodaji te nekretnine površine od 70 dunuma u vrijednosti od 420 hiljada KM i obavezu firme Madi da tu površinu privede namjeni. Firma Madi se obavezala da će u roku od 6 mjeseci već izvršiti početno investiranje i da će u narednih godinu dana zaposliti novih 15 radnika sa investicijom od 4 do 6 miliona KM - ističe općinski načelnik Suad Huskić. Kompanija MADI vrši kontinuirano ulaganje u unaprijeđenje proizvodnje zdrave hrane, o novoj investiciji direktor proizvodnje Edin Jabandžić kaže: Općina Tešanj i građani općine Tešanj moraju biti svjesni da ako želimo da budemo lideri u proizvodnji hrane da to ne možemo govoriti samo deklarativno moramo preći na djela, a da bi djela imali moramo imati infrastrukturu. Infrastruktura je svakako i gradnja ovih farmi gdje ćemo dovesti na područje općine Tešanj nove investicije i nova radna mjesta, ali zauzvrat će i MADI u potpunosti staviti pod kontrolu svoj lanac proizvodnje, koji će biti znatno lakše kontrolisati i pratiti na ovaj način.



Grb Općine Tešanj